

Неделя 5-я по Пасхе, о самаряныне. Глас 4.

На Господи, возвах:

Стихиры воскресные, глас 4:

1. Стих: Изведи из темницы душу мою, // исповедатися имени Твоему.

Животворящему Твоему Кресту, / непрестанно кланяющеся, Христе Бóже, / триднѣвное Воскресение Твое сла́вим: / тем бо обновил еси истлевшее человеческое естество, Всесильне, / и иже на Небеса восход обновил еси нам, // яко Един Благ и Человеколюбец.

2. Стих: Мене ждут праведницы, // дондеже воздаси мне.

Древа преслушания запрещение разрешил еси, Спа́се, / на древе крестнем волею пригвоздѣвся, / и во ад сошед, Сильне, / смертныя узы, яко Бог, растерзал еси. / Темже кланяемся еже из мертвых Твоему Воскресѣнию, / радостию вопиюще: // Всесильне Господи, сла́ва Тебе.

3. Стих: Из глубины возвах к Тебе, Господи, // Господи, услыши глас мой.

Врата адава сокрушил еси, Гóсподи, / и Твоею смертию смертное царство разрушил еси: / род же человеческий от истления свободил еси, / живот и нетление мiру даровав, // и велию мiлость.

4. Стих: Да будут уши Твои // внимлюще гласу молѣния моего.

Приидите, воспоем лю́дие, / Спасово тридневное востáние, / имже избавихомся адовых нерешимых уз; / и нетление и жизнь вси восприяхом зовуще: / Распныйся, и Погребыйся, и Воскресый, / спаси ны Воскресѣнием Твоим, // Едине Человеколюбче.

Стихиры Преполовения, глас 4:

5. Стих: Аще беззакония назириши, Господи, Господи, кто постоит? // Яко у Тебѣ очищѣние есть.

Наста преполовѣние днѣй, / от спасительнаго начинаемых востáния, / Пятдесятницею же Божественною печáтаемое, / и светится светлости обоюду имущее, / и соединяющее обоя, / и приити славе предъявляющее, // Владычннго Вознесения предпочитáет.

6. Стих: Имене ради Твоего потерпех Тя, Господи, потерпе душа моя в слово Твое, // упова душа моя на Гóспода.

Слыша и возвеселися Сион, / благовестившуся Христову Воскресѣнию: / вѣрнии же его сынове возрадовашася Сего видевше, / и омывающа Духом скверну христуубийства: / готовится торжествующи, // обоих веселое преполовѣние.

7. Стих: От стражи утренния до ноци, от стражи утренния, // да уповает Израиль на Господа.

Приблизися Божественнаго изобильное излітие на всѣх, / якоже написася, / Духа: предузаконение проповедует преполовившееся, / по Христове смерти и погребении и Воскресѣнии, / от Него данну сущу учеником, / неложному обеща́нию, // Утешителево показующу явлѣние.

Стихиры Триоди (самаряныни): Глас 1:

8. Стих: Яко у Господа милость, и многое у Него избавление, // и Той избавит Израиля от всѣх беззаконій его.

На источник пришѣл еси, / источниче чудес, в шестый час, / Евин уловити плод: / Ева бо в той изыде из ра́я, / прелестию змиевою. / Приблужи бо ся самаряныня почерпсти воду, / юже виде в рече Спас: / даждь Ми воду пити, / и аз воды текущая насыщу тя. / И во град текши целомудренная, / народом возвести абие: / приидите видите Христа Господа, // Спаса душ наших.

Глас 2:

9. Стих: Хвалите Господа вси языцы, // похвалите Его вси людие.

На студенец яко прииде Господь, / самаряныня моляше Благоутробнаго: / подаждь ми воду веры, / и прииму купельныя воды, / радование и избавление. // Животодавче Господи, слава Тебе.

10. Стих: Яко утвердися милость Его на нас, // и истина Господня пребывает во век.

Собезначальный и соприисносущный Сын и Слово Отчее, / на источник прииде, источник исцелений, / и жена от Самарии прииде почерпсти воду. / Юже виде в рече Спас: / даждь Ми воду пити, / и шедши пригласи твоего мужа. / Она же яко Человеку глаголющи, а не Богу, / утаити тщашеся, / глаголаше: не имам мужа. / И Учитель к ней: / истину рекла еси, не имам мужа: / пять бо имела еси, и ныне егоже имаши, несть твой муж. / Она же о глаголе удивившись, / и во град текши, народом вопияше, глаголющи: / приидите видите Христа, // Иже дарует миру велию милость.

Слава: Стихира Триоди, Глас 6:

При студенце Иаковли / обрет Иисус самаряныню, / просит воду от нея, / облаками покрываяй землю. / О чуде! Иже херувимы носимый, / блуднице жене бесѣдоваше, / воду прося, Иже на водах землю повѣсивый. / Воды исткий, Иже источники и езера вод изливаяй, / хотя привлещи сию воистинну, / уловляему от сопостата врага, / и напоити ю водою живою, / палимую в безместных люте, // яко един Благоутробный и Человеколюбец.

И ныне: глас 4:

Иже Тебе ради, богоотец проро́к Дави́д,/ песненно о Тебе́ провозгласи́,/ вели́чия Тебе сотво́ршему:/ предста Царица одесну́ю Тебе́./ Тя бо Матерь, ходо́таицу живота́ показа́,/ без Отца́ из Тебе вочеловечитися благоволи́вый Бо́г:/ да Свой паки обновит образ, истле́вший страстьми́,/ и заблуждшее горохищное обрёт овча́,/ на ра́мо восприим, ко Отцу́ принесёт,/ и Своему хотёнию,/ с небесными совокупит си́лами,/ и спасёт Богоро́дице ми́р, // Христос имеяй велию и богатую ми́лость.

Прокимен воскресный:

На Литии: Стихира храма, затем:

Слава и ныне: глас 3:

Да радуется днесь светло небо и земля,/ зане Христос явился воплощаемь яко Человек,/ да Адама измет от клятвы всеродных,/ и удивляется чудеса Самарию пришед:/ жене же предста воды прося,/ облаки водами одеваяй./ Темже вси вернии поклоняемся/ нас ради волею обнищавшему, // благоутробным советом.

На стиховне:**Стихира воскресная, глас 4:**

Господи, восше́д на Крест,/ прадедную нашу клятву потреби́л еси́,/ и соше́д во ад, вечныя узники свободи́л еси́,/ нетление даруя человеческому роду,/ сего ради поюще сла́вим // Животворящее и Спасительное Твое Воста́ние.

Стихиры Пасхи, глас 5.**Слава: стихи́ра Триоди (самарянки), глас 8.**

Егда́ явился еси во плоти, Христе Бо́же,/ за неизреченное смотре́ние,/ слышавши самаряныня слово Тебе́, Человеколю́бца,/ оста́ви почерпа́ло у студенца́,/ и тече глаголющи сущим во гра́де:/ приидите ви́дите Сердцеве́дца,/ еда́ Сей есть ча́емый Христос, // имеяй велию ми́лость?

И ныне: Воскресения день:

Богородице Дево. Трижды.

Псалом 33:

Благословлю Господа на всякое время,/ выну хвала Его во устех моих./ **О** Господе похвалится душа моя,/ да услышат кротцыи, и возвеселятся./ **Воз**величите Господа со мною,/ и вознесем Имя Его вкупе./ **Взысках** Господа, и услыша мя,/ и от всех скорбей моих избави мя./ **Приступите** к Нему, и про-

светитесь,/ и лица ваша не постыдятся./ **Сей нищий воззва, и Господь услыша и,/ и от всех скорбей его спасе и./ Ополчится ангел Господень окрест боящихся Его,/ и избавит их./ Вкусите и видите, яко благ Господь:/ блажен муж, иже уповает на Нань./ Бойтесь Господа, вси святии Его,/ яко несть лишения боящимся Его./ Богатии обнищаша и взалкаша:/ взыскающии же Господа// не лишатся всякаго блага.**

Благословение Господне на вас: Аминь. Христос воскрес: Трижды.

На Бог Господь: Тропарь воскресный, глас 4:

**Светлую Воскресения прѡповедь/ от Ангела уведевша Господни ученицы/ и прадеднее осуждение отвѣргша,/ апѡстолом хвалящася глаголаху:/ испровержеся смѣрть,/ воскресе Христѡс Бѡг,// даруяй миру велию мѡлость.
Дважды.**

Слава и ныне: Тропарь Преполовения, глас 8:

Преполовившуся прѡзднему,/ жѡждущую душу мою благочестия напою водами,/ яко всем, Спасе, возопѡл еси:/ жѡждай да грядѣт ко Мне и да пьет.// Источниче жизни нашея, Христе Боже, слава Тебе.

Полиелей:

Тропари воскресные, глас 5:

Благословен еси, Господи,/ научи мя оправданием Твоим./ Ангельский собор удивися,/ зря Тебе в мертвых вменившася,/ смертную же, Спасе, крепость разориша,/ и с Собою Адама воздвигша,// и от ада вся свободяща.

Благословен еси, Господи,/ научи мя оправданием Твоим./ Почто мира с милостивными слезами,/ о ученицы растворяете?/ Блистайся во гробе ангел/ мирноносицам вещаше:/ видите вы гроб и уразумейте,// Спас бо воскресе от гроба.

Благословен еси, Господи,/ научи мя оправданием Твоим./ Зело рано мирноносицы течаху/ ко гробу Твоему рыдающия,/ но предста к ним ангел, и рече:/ рыдания время преста, не плачите,// воскресение же апостолом рцыте.

Благословен еси, Господи,/ научи мя оправданием Твоим./ Мирноносицы жены, с миры пришедша/ ко гробу Твоему, Спасе, рыдаху,/ ангел же к ним рече, глаголя:/ что с мертвыми Живаго помышляете?// Яко Бог бо воскресе от гроба.

Слава Отцу и Сыну и Святому Духу/ Поклонимся Отцу,/ и Его Сынови, и Святому Духу,/ Святей Троице во едином существе, с Серафимы зовуще:/ Свят, Свят, Свят еси, Господи.

И ныне и присно и во веки веков. Аминь./ Жизнодавца рождши,/ греха, Деву, Адама избавила еси,/ радость же Еве в печали место подала еси;/ падшия же от жизни/ к сей направи, // из Тебе воплотивыйся Бог и Человек.

Аллилуиа, аллилуиа, аллилуиа, // слава Тебе, Боже. **Трижды.**

Степенна, глас 4: Прокимен, глас четвертый: Воскресни, Господи, помози нам/ и избави нас имене Твоего ради.

Канон Пасхи, глас 1:

Песнь 1:

Воскресения день,/ просветимся, людие./ Пасха, Господня Пасха:/ от смерти бо к жизни,/ и от земли к небеси,/ Христос Бог нас преведе, // победную поюция.

Христос воскрес из мертвых. Очистим чувства, и узрим/ неприступным светом/ Воскресения, Христа/ блистающая,/ и радуйтеся, рекуща,/ ясно да услышим, // победную поюще.

Христос воскрес из мертвых. Небеса убо достойно да веселятся,/ земля же да радуется,/ да празднует же мир,/ видимый же весь и невидимый:/ Христос бо воста, // веселие вечное.

Пресвятая Богородице, спаси нас. Умерщвления предел сломила еси,/ вечную жизнь рождающая Христа,/ из гроба возсиявшего днесь,/ Дево Всенепорочная, // и мир просветившаго.

Пресвятая Богородице, спаси нас. Воскресшаго видевши Сына Твоего и Бога,/ радуйся со апостолы Богоблагодатная Чистая:/ и еже радуйся первее,/ яко всех радости вина, восприяла еси, // Богомати Всенепорочная.

Канон Преполовения, глас 8:

Катавасия: Воскресения день:

Песнь 3:

Приидите, пиво пием новое,/ не от камени неплодна чудодеемое,/ но нетления источник/ из гроба одождивша Христа, // в Немже утверждаемся.

Христос воскрес из мертвых. Ныне вся исполнишася света,/ небо же и земля, и преисподняя:/ да празднует убо вся тварь/ востание Христова, // в немже утверждается.

Христос воскрес из мертвых. Вчера спогребохся Тебе Христе,/ совостаю днесь/ воскресшу Тебе,/ сраспинахся Тебе вчера, // Сам мя прослави Спасе во Царствии Твоем.

Пресвятая Богородице, спаси нас. На нетленную жизнь прихожду́ днесь/
благостию рождагояся из Тебе, Чистая, // и всем концем свет облистáвшего.

Пресвятая Богородице, спаси нас. Бога, Егоже родила еси плóтию, / из мерт-
вых, я́коже рече́, / воставша видевши, Чистая, ликуй, // и Сего яко Бога Пре-
чи́стая возвеличай.

Катавасия: Приидите, пиво прием но́вое:

Кондак Преполовения, глас 4:

Празднику законному преполовляющуся, / всех Тво́рче и Влады́ко, / к пред-
стоящим глагола еси, Христе Бо́же: / придите и почерпите воду безсме́ртия. /
Темже Тебе припадаем и ве́рно вопи́ем: / щедрóты Твоя да́руй нам, // Ты бо
еси Источник жизни на́шея.

Песнь 4:

На Божественней стра́жи / богоглаго́ливый Авваку́м / да станет с нами, и по-
ка́жет / светоносна Ангела, / я́сно глаго́люща: / днесь спасение ми́ру, / яко
воскре́се Христóс, // яко всеси́лен.

Христос воскрес из ме́ртвых. Му́жеский убо по́л, / яко разверзый девствен-
ную утробу, / я́вился Христóс: / яко человек же, / Агнец нарече́ся: / непоро́чен
же, / яко невкусен скве́рны, / наша Па́сха, / и яко Бог и́стинен // совершен ре-
че́ся.

Христос воскрес из ме́ртвых. Яко единолетний а́гнец, / благословенный нам
венéц Христóс, / во́лею за всех заклáн бысть, / Пасха чистительная, / и паки из
гроба кра́сное // правды нам возсия Со́лнце.

Пресвятая Богородице, спаси нас. Создавый Адама, Твоего праотца,
Чистая, / зи́ждется от Тебе́, / и смертное жилище разори Своею сме́ртию
днесь, / и озари́ вся // божественными блистаньми воскресéния.

Пресвятая Богородице, спаси нас. Егоже родила еси́ Христá, / прекрасно из
мертвых возсиявша, Чистая, зря́щи, / добрая и непорочная в женах и
кра́сная, / днесь во спасение всех, // со апостолы раду́ющиеся, Того́ прослав-
ляй.

Катавасия: На Божественней стра́жи:

Песнь 5:

Утренюем у́треннюю глубоку́, / и вместо мира песнь принесем Влады́це, / и
Христá узрим / правды Со́лнце, // всем жизнь возсия́юща.

Христос воскрес из мёртвых. Безмерное Твое благоутробию, / адовыми узами содержимии зряще, / к свету идяху, Христэ, / веселыми ногами, // Пасху хваляще вѣчную.

Христос воскрес из мёртвых. Приступим священоснии, / исходящу Христу из гроба, яко жениху, / и спразднуем любопразднственными чинми // Пасху Божию спасительную.

Пресвятая Богородице, спаси нас. Просвещается божественными лучами и живоносными / воскресения Сына Твоего, / Богомати Пречистая, // и радости исполняется благочестивых собрание.

Пресвятая Богородице, спаси нас. Не разверзл еси врата девства в воплощении, / гроба не разрушил еси печатей, Царю создания: // отонудуже воскресшаго Тя зрящи, Мати, радовашеся.

Катавасия: Утренюем утреннюю глубокоу:

Песнь 6:

Снизшел еси в преисподняя земли, / и сокрушил еси верей вѣчныя, / содержащая связанныя, Христэ, / и тридневен, яко от кита Иона, // воскресл еси от гроба.

Христос воскрес из мёртвых. Сохранив цела знамения Христэ, / воскресл еси от гроба, / ключи Девы не вредивый в рождестве Твоем, // и отверзл еси нам райския двѣри.

Христос воскрес из мёртвых. Спасе мой, / живое же и нежертвенное заклѣние, / яко Бог Сам Себѣ / волею привел Отцу, / совоскресил еси всероднаго Адама, // воскрес от гроба.

Пресвятая Богородице, спаси нас. Возведся древле держимое смертию и тлѣнием, / воплотившимся от Твоего пречистаго чрева, / к нетленной и присносущней жизни, // Богородице Дѣво.

Пресвятая Богородице, спаси нас. Сиде в преисподняя земли, / в ложесна Твоя, Чистая, сшѣдый, / и вселивыйся и воплотивыйся паче ума, / и воздвиже с Собою Адама, // воскрес от гроба.

Катавасия: Снизшел еси в преисподняя земли:

Кондак Триоди (самаряныни), глас 8:

Верую пришедшая на кладязь самаряныня, / виде Тя премудрости воду, / ею же напоившись обильно, // Царствие вышнее наследова вечно, яко приснославная.

Песнь 7:

Отроки от печи избáвивый,/ б́ыв Человѣк,/ страждет яко смѣртен,/ и страстию смѣртное,/ в нетления облачит благолѣпие,/ Ед́ин благословѣн// отцев Бог, и препрослáвлен.

Христós воскресе из мѣртвых. Жены с м́ры богомúдрыя в след Тебѣ течáху:/ Егóже, я́ко мѣртва, со слезáми иска́ху,/ поклонíшася рáдующияся Живóму Бóгу,/ и Пáсху тáйную// Тво́им, Христѣ, ученикóм благовести́ша.

Христós воскресе из мѣртвых. Смѣрти прáзднуем умерщвлѣние,/ áдово разрушѣние,/ инóго жити́я вѣчнаго начáло,/ и игра́юще поѣм Винóвнаго,/ Ед́инаго благословѣннаго// отцев Бóга, и препрослáвленнаго.

Христós воскресе из мѣртвых. Яко во́истинну свящѣнная,/ и все-прáзднственная сия́ спасíтельная ночь,/ и светозáрная,/ светонóснаго дне,/ востáния сýщи провозвѣстница:/ в нѣйже безлѣтный Свет// из грóба плóтски всѣм возсия́.

Пресвятáя Богородице, спасí нас. Умертв́ив Сын Твой смерть,/ Всенепорóчная, днесь,/ всем смѣртным пребывáющий живóт/ во вѣки векóв даровá,/ ед́ин благословѣнный// отцев Бог и препрослáвленный.

Пресвятáя Богородице, спасí нас. Всем цáрствуяй создáнием, б́ыв человек,/ всели́ся в Твою́, Богоблагодáтная, утрóбу,/ и распя́тие претерпѣв и смерть,/ воскресе боголѣпно,// совозстáвив нас я́ко всесíлен.

Катавасия: Отроки от печи избáвивый:

Песнь 8:

Сей нареченный и святы́й день,/ Един суббóт Цáрь и Госпóдь,/ прáздников прáздник/ и торжество́ есть торжѣств,// вонъже благословим Христа во вѣки.

Христос воскресе из мѣртвых. Приидите, новаго винограда рождѣния,/ Божественнаго весѣлия,/ в нарочитом дни Воскресѣния,/ Царствия Христова приобщímся,/ поюще Егó,// яко Бога, во вѣки.

Христос воскресе из мѣртвых. Возведи окрест очи твои, Сиóне, и вíждь:/ се бо приидóша к тебѣ,/ яко богосветлая свети́ла,/ от запада, и севера, и мóря,/ и востока чáда тво́я,// в тебе благословя́щая Христа во вѣки.

Пресвятая Богородице, спасí нас. Прииде Тобою в м́р Госпóдь,/ Дево Богородице,/ и чрево áдово растóрг,/ смертным нам воскресѣние даровá:// Темже благословим Его во вѣки.

Пресвятая Богородице, спаси нас. Всю низложив смерти державу Сын Твой, Дêво,/ Своим воскресением,/ яко Бог крепкий совознесе нас и обожит:// тем же воспеваем Его во вêки.

Хвалим, благословим, поклоняемся Господеви, поюще и превозносяще во вся веки.

Катавасия: Сей нареченный и святы́й дeнь:

Песнь 9:

Светися, светися,/ нóвый Иерусалиме:/ слава бо Господня/ на тебе возсия./ Ликуй ныне/ и веселися, Сионе./ Ты же, Чистая, красуйся, Богородице,// о востании Рождества Твоего.

Христос воскрес из мёртвых. О Божественного, о любéзнаго,/ о сладчайшаго Твоего гласа!/ С нами бо неложно обещался еси быти,/ до скончания вéка, Христé:/ Егоже, вёрнии,// утверждение надежды имуще, радуемся.

Христос воскрес из мёртвых. О Пасха велия и священнейшая, Христé!/ О мудроте, и Слове Божий, и сýло!/ Подавай нам истее Тебе причащáтися,// в невечернем дни Цáрствия Твоего.

Пресвятая Богородице, спаси нас. Согласно, Дeво, Тебе блажим вёрнии:/ радуйся, дворе Господня:/ радуйся, граде одушевлéнный:/ радуйся, Еяже ради нам ныне возсия свёт,// из Тебе Рожденнаго из мертвых Воскресения.

Пресвятая Богородице, спаси нас. Веселися и радуйся божественная дворе Свёта:/ зашедый бо Иисус во грóб возсия,/ просияв солнца светлée,/ и верныя вся озарив,// Богорадованная Владычице.

Катавасия: Светися, светися:

На Хвалитех, глас 4:

Стихиры воскресные, глас 4:

1. Стих: Сотворити в них суд написан:/ слава сия будет вéсém преподóбным Егó.

Крест претерпéвый и смерть,/ и воскресый из мёртвых,/ Всесильне Гóсподи,// славим Твое Воскресение.

2. Стих: Хвалите Бога во святых Его,/ хвалите Его в утвержении сýлы Егó.

Крестом Твоим, Христé,/ от древния клятвы свободил еси нас,/ и смёртию Твоею/ естество наше мучащаго диавола упразднил еси:/ востанием же Твоим радости вся исполнил еси./ Тёмже вопиём Тí:// воскресый из мертвых, Господи, слава Тебе.

3. Стих: Хвалите Его на силах Его,/ хвалите Его по множеству величества Его.

Твоим Крестом, Христе Спасе,/ настави нас на истину Твою,/ и избави нас от сетей вражиих,/ воскресый из мёртвых,/ возстави ны падшиися грехом,/ простёр руку Твою, Человеколюбче Господи, // молитвами святых Твоих.

4. Стих: Хвалите Его во гласе трубнем,/ хвалите Его во псалтири и гуслех.

Отеческих Твоих недр не разлучився,/ Единородный Слове Божий,/ пришел еси на землю за человеколюбие,/ Человек быв непреложен,/ и крест и смерть претерпел еси плотию,/ безстрастный Божеством:/ воскрес же из мертвых,/ безсмертие подал еси роду человеческому, // яко Един Всесилен.

5. Стих: Хвалите Его в тимпане и лице,/ хвалите Его во струнах и органе.

Смерть приял еси плотию,/ нам безсмертие ходатайствуя, Спасе,/ и во гроб вселился еси,/ да нас от ада свободиши, воскресив с Собою:/ пострада убо яко человек,/ но воскрес, яко Бог./ Сего ради вопием:/ слава Тебе, Жизнодавче Господи, // Едине Человеколюбче.

6. Стих: Хвалите Его в кимвалех доброголасных, хвалите Его в кимвалех восклицания./ Всякое дыхание да хвалит Господа.

Камение распадашеся, Спасе,/ егда на лобнем Крест Твой водрузися,/ устрашишася адовы вратницы,/ егда во гробе яко мертв положен был еси:/ ибо смертную упразднил еси крепость,/ умершим всем нетление подал еси воскресением Твоим, Спасе, // Жизнодавче Господи, слава Тебе.

Стихиры Триоди (самарянки): Глас 3:

7. Стих: Наляцы́, и успева́й, и ца́рствуй, / истины ра́ди, и кро́тости, и пра́вды.

Да радуется днесь светло не́бо и земля́,/ яко Христос явился воплощаемь яко Челове́к,/ да Ада́ма измет от клятвы всеро́дна,/ и удивля́ется чудесы в Самари́ю прише́д:/ женé же беседоваше воды́ прося́,/ Иже облаки водами одева́й./ Те́мже вси вернии поклони́мся,/ нас ра́ди волею Обнища́вшему, // благоутро́бным сове́том.

Глас 6:

8. Стих: Возлюбил еси пра́вду,/ и возненави́дел еси беззако́ние.

Тако глаголет Господь самаряныни:/ аще бы еси ведала дар Божий,/ и Кто есть глаголай тебе, даждь Ми воды пити,/ ты бы просила у Него, и дал бы ти пити, // да не вжаждешися во веки, глаголет Господь.

Слава, глас тойже.

Источник живоначалаия Иисус Спа́с на́ш,/ ко источнику пришед патриарха Иа́кова,/ пити прошаше воды от жены самаряны́ни./ Сей же неприобщительное иудеом прирёкшей,/ мудрый Зиждитель приводит ю, сладкими глаго́лы,/ паче к прошению присносущныя во́ды,/ юже и приимши всем пропеваеда рекущи:/ приидите, видите сокровенных видца и Бога,// пришедшаго плотию, за еже спасти человека.

И ныне: глас 2: Преблагословенна еси, Богородице Дево:

По Славословии тропарь воскресный, глас 2: Воскрес из гроба:

Слава и ныне: стихира евангельская седьмая, глас 7:

Се тьма, и рано, и что у гроба, Марие, стои́ши,/ мно́гую тьму имеющи в ра́зуме,/ в не́йже, где положен бысть вопроша́еши, Иису́с?/ Но ви́ждь сри́щущаяся ученики́,/ ка́ко плащаницами и сударем воскресение обрето́ша,/ и помяну́ша яже о сих Писа́ния./ С нимиже и имиже и мы ве́ровавше,// воспеваем Тя Жизнода́вца Христа́.

На литургии:

По входе: Тропарь воскресный, глас 4:

Светлую Воскресения про́поведь/ от Ангела уведевша Господни учени́цы/ и прадеднее осуждение отвёргша,/ апо́столом хвалящаяся глаго́лаху:/ испровержеса сме́рть,/ воскресе Христос Бог,// даруй мирови велию ми́лость.

Тропарь Преполовления, глас 8:

Преполови́вшуся пра́зднику,/ жа́ждущую душу мою благочестия напои́ водо́ми,/ яко всем, Спасе, возопи́л еси:/ жа́ждай да грядёт ко Мне и да́ пиет.// Источниче жизни нашея, Христе Боже, слава Тебе.

Слава, кондак Триоди (самаряныни), глас 8:

Верую пришедшая на кладязь самаряны́ня,/ виде Тя премудрости во́ду,/ еюже напоившись обильно,// Царствие вышнее наследова вечно, яко присносла́вная.

И ныне, кондак Преполовления, глас 4:

Празднику законному преполовля́ющуся,/ всех Тво́рче и Влады́ко,/ к предстоящим глагола́л еси, Христе Бо́же:/ приди́те и почерпите воду безсме́ртия./ Темже Тебе припадаем и ве́рно вопие́м:/ щедро́ты Твоя да́руй нам,// Ты бо еси Источник жизни на́шея.

Прокимен Триоди (самаряныни), глас 3: Пойте Богу нашему, пойте,/ пойте Цареву нашему, пойте.

Причастны:

Пасхи: Тело Христово примите, источника бессмертнаго вкусите.

Воскресный: Хвалите Господа с Небес, хвалите Его в Вышних.

После Причастия:

Иерей: Спаси Боже люди Твоя, и благослови достояние Твое.

Хор: Христос воскресе из мертвых,/ смертию смерть поправ// и сущим во гробех живот даровав. **(Единожды, протяжно)**

Иерей: Всегда ныне и присно, и во веки веков.

Хор: Аминь. Да исполнятся уста наша хваления Твоего, Господи, яко да поем славу Твою, яко сподобил еси нас причаститися Святым Твоим, Божественным, Безсмертным и Животворящим Тайнам; соблюди нас во Твоей святыни, весь день поучатися правде Твоей. Аллилуиа, аллилуиа, аллилуиа.

Далее как обычно до возгласа:

Иерей: Слава Тебе, Христе Боже, Упование наше, Слава Тебе.

Христос воскресе из мертвых,/ смертию смерть поправ// и сущим во гробех живот даровав. **(Трижды)**

Воскресный отпуст: Воскресый из мертвых Христос, Истинный Бог наш, молитвами Пречистыя Своея Матере...